

Na navedenu odluku o izboru najpovoljnijeg ponuđača, ponuđač Centrotans-Eurolines D.D. Sarajevo je dana 29.1.2018. godine izjavio žalbu, broj: 1/811/18., u kojoj između ostalog navodi:

*„ Izabrani ponuđač Globtour d.o.o. Međugorje, nije na ispravan i potpun način dao izjavu oispunjenosti uslova iz člana 67. Zakona o javnim nabavkama i tačke 7. Tenderske dokumentacije. Uvidom u izjavu iz člana 67.ZJN (Preferencijalni tretman domaćeg) vidljivo je da istu nije potpisao ovlašteni predstavnik ponuđača Mato Pranjčić. Naime, pored isprintanog imena Mato Pranjčić, izvršni direktor za promet, nema potpisa imenovanog lica. Također, izjava ne sadrži pečat ponuđača Globtour d.o.o. Međugorje. Shodno navedenim ni općina kao ovlašteni organ uz ovjeru nije mogla izvršiti ovjeru potpisa, odnosno sama ovjera nema smisla, jer ovjera nije potpisana.“ Sa obzirom na navedeno Žalitelj predlaže da Ugovorni organ usvoji žalbu, preispita odluku ili u suprotnom predlaže da se žalba dostavi URŽ-u, te da se ožalbena Odluka poništi i predmet vrati na ponovni postupak.“*

Prije nego se upustio u meritorno utvrđivanje, ovaj organ je pristupio provjeri formalnih pretpostavki za ulaganje žalbi, koje moraju biti ispunjenje, kako bi se uopšte pristupilo rješavanju, odnosno na dopuštenost pravovremenost i da li je Žalba izjavljena od ovlaštene osobe.

Ugovorni organ konstatuje da je žalba Centrotans –Eurolines D.D. Sarajevo dopuštena, blagovremena i izjavljena od ovlaštenog lica.

Rješavajući po navedenoj žalbi, ugovorni organ je izvršio uvid u ponudu izabranog ponuđača Globtour d.o.o. Međugorje (prot. pod brojem 02-1191/18 od 11.1.2018. godine) i ustanovio da je žalba neosnovana, te u skladu s članom 100. stav 5. ZJN, sa svojim izjašnjenjem na navode žalbe, kao i kompletnom dokumentacijom u vezi s postupkom protiv kojeg je izjavljena žalba proslijedio Uredu za razmatranje žalbi.

Nakon provedenog postupka po predmetnoj žalbi, URŽ je donio Rješenje broj: JN2-03-07-1-172-9/18 od 28.2.2018. godine, kojim se žalba Centrotans-Eurolines D.D. Sarajevo izjavljena protiv Odluke o izboru najpovoljnijeg ponuđača broj: 02-1260/18 od 23.1.2018. godine u postupku javne nabavke usluge prijevoza učenika JU OŠ „Alija Nametak“ Sarajevo, odbija kao neosnovana.

Nakon što su izabranom ponuđaču Globtour d.o.o. Međugorje dostavljeni ugovori na potpis, isti je dana 15.3.2018. godine pismeno obavijestio Ugovorni organ da odustaje od potpisivanja ugovora. U dopisu broj: 023-03/18 D od 14.3.2018. godine, između ostalog navodi:

*„Ovim putem se izjašnjavamo da odustajemo od potpisivanja ugovora o nabavci usluge prijevoza učenika iz razloga što niste udovoljili našoj molbi da se u ugovor unese odredba o promjenjivosti cijene goriva uzimajući u obzir relevantnu činjenicu da je od dana predaje ponude do današnjeg dana došlo do znatnog povećanja cijene goriva, te je slijedom toga upitno i kvalitetno pružanje usluge prijevoza.“*

Shodno navedenom, a uzumijajući u obzir da je u predmetnom postupku ponuda ponuđača Globtour d.o.o. Međugorje jedina prihvatljiva, Ugovorni organ donosi odluku o poništenju postupka javne nabavke usluge prijevoza učenika za 2018. godine.

Protiv ove Odluke može se izjaviti žalba Ugovornom organu u roku od 5 (pet) dana od dana prijema iste.

Žalba se izjavljuje ugovornom organu u skladu s članom 99. Zakona.

Žalitelj je dužan uplatiti naknadu za pokretanje žalbenog postupka u skladu sa članom 108. stav 1. Zakona o javnim nabavkama (Sl. Glasnik BiH broj: 39/14).

**DOSTAVITI:**

1. Ponuđači:
  - Centrotans-Eurolines D.D.Sarajevo
  - Globtour d.o.o. Međugorje
2. Web stranica škole
3. Arhivi škole

